

OPĆINA NOVI GRAD SARAJEVO

Općinski načelnik

Na osnovu člana 46. Zakona o prostornom uređenju ("Službene novine Kantona Sarajevo", br. 7/05), i člana 37. Statuta Općine Novi Grad Sarajevo ("Službene novine Kantona Sarajevo" br.30/09-Prečišćeni tekst) Općinski načelnik, dana 09.08.2016. godine, verificirao je i donio

ODLUKU

O KOREKCIJI REGULACIONOG PLANA
"BUČA POTOKA I"

Član 1.

Utvrđuje se Korekcija Regulacionog plana "Buča Potok I" ("Službene novine Kantona Sarajevo", broj 33/10), u daljem tekstu: Korekcija Plana.

Član 2.

Korekcijom Plana utvrđeni su planski preduvjeti za usaglašavanje namjena površine u funkciji Memorijalno-historijskog kompleksa Žuč na parcelama k.č. 18,19, dio 1528/6 i 1529/1 K.O.Dolac, Općina Novi Grad Sarajevo, na način kako je prikazano u grafičkom prilogu br. 2.

Parcela dio k.č. 1528/6 i 1529/1 K.O.Dolac će biti u funkciji Memorijalno-historijskog kompleksa Žuč, parcele k.č. 18,19 K.O.Dolac će imati najmniju društvena infrastruktura; Na predmetnim parcelama k.č. 18,19 K.O.Dolac Planom je predviđena izgradnja stambenog objekta, korekcijom plana predmetni objekat se zadržava u definisanim gabaritima za potrebe Memorijalno-historijskog kompleksa Žuč sa promjenom namjene u objekat društvene infrastrukture;

Potrebno je obezbijediti parking prostor unutar vlasničke parcele.

Član 3.

Korekcija Plana sastoji se iz tekstualnog dijela i grafičkog priloga sa prikazom parcela. Tekstualni dio i grafički prilog korekcije Plana su sastavni dio Regulacionog plana "Buča Potok I" ("Službene novine Kantona Sarajevo" broj 33/10).

Član 4.

Korekcija Plana je rađena za fazu urbanizma, a obaveza investitora je da za faze komunalne infrastrukture i saobraćaja izvrši usaglašavanje Korekcije Plana sa Idejnim rješenjima, koja su sastavni dio Regulacionog plana "Buča Potok I", te da pribavi saglasnost nadležnih javnih komunalnih preduzeća.

Član 5.

Po jedan primjerak ovjerene korekcije Plana (tekstualni dio i grafički prilog) nalazi se na stalnom javnom uvidu i čuva se u Službi dokumentacije Općine Novi Grad Sarajevo, Zavoda za planiranje razvoja Kantona Sarajevo, Ministarstva prostornog uređenja i zaštite okoliša Kantona Sarajevo i Gradske uprave Grada Sarajeva - Službe za urbano planiranje i stambene poslove.

Član 6.

Ova Odluka stupa na snagu narednog dana od dana objavljivanja na oglasnoj ploči Općine Novi Grad Sarajevo, a naknadno će se objaviti u "Službenim novinama Kantona Sarajevo".

Broj 02-23-25756/15-3
09. augusta 2016. godine

Općinski načelnik
Mr. Semir Efendić, s. r.

